



Sc'i sun morc con Crist, viarunse ince con el. (San Paul)

La ploania d'La Pli tol comié da **Eduard Maneschg** (+ 20.09.2019, 81 agn) y ti fej les condolianzes ai familiars por la mort dal pere, nene y fre. Che le Signur toli sö söa anima te söa ciasa!

○ Sontada dal Consei Pastoral en lönesc ai 23 de setember ales 19:30.

1 enformaziuns y termins

ACS Mareo: l'ASC Mareo adöm al Sci Club Al Plan y al Consei de Formaziun d'Al Plan met a jí en lönesc ai 23 de setember, ales 19:30 tal salf dla Cassa Raiffeisen na sera de enformaziun sora "Mentan Coaching tal sport" (por todesch) por sogadus, atlec, alenadús, geniturs y düc i interessés.

Ocio: en domegna ai 29 de setember romagn la **strada danter Salaronz y Sares** slüta dales 13:00 ales 15:30 stlüta por en pelegrinaje.

Comun de Mareo: al ven lascé alessei che la firma Kofler & Rech da Valdaora metará man con i laurs d'asfaltaziun dla strada Brach - Pliscia en dedemesaledema ai 25 de setember. Canche al jará debojügn gnará la strada slüta deplen.

Zenter Famlies: le ZFM envieia les families a na escursiun sön la Plose, en domegna ai 29 de setember. An se encunta te plaza dla nodadoia ales 8:30, spo van con auti privac cina St. Andrä; an jará spo sö con le pröm lift y dedô por le "Woody Walk", en bel tru con jüc por mituns – ch'an pó fá ince con le baghele – cina la ücia "Rossalm". Sce an ô, ál ince la poscibilitè da jí con le secundo lift y sön la Pfannspitze. Zoruch gnunse con le lift (12,00 € adulc, 10,00 € mituns) o con i "mountaincarts" (12,00 €). Por enformaziuns y prenotaziuns: Monika, ☎ 348 9326779.

Ai 28 de setember gnunse de munt: i enviun düc canc a na picia festa dales 14:00 ennant ia Al Plan te Pincia dal Ciane. Por speisa y musiga vegnel fistidié.

Karl Felix Wolff, La grande strada delle Dolomiti: presentaziun dal liber de Ulrike Kindl, Fabio Chiocchetti en dedemesaledema ai 25 de setember ales 20:00 a San Martin de Tor, Istitut Ladin Micurá de Rü.

Le dotur **Agreiter Eduard** é demez en jöbia 26 de domisdé y en vendres ai 27 de setember. La Dr. Mahlknecht á da ciafé sot al ☎ 349 0667034!

Döt le bun a: Emma Vittoria Feichter Finazzer, Seis * 23.09.1938
Jan Taibon, San Laronz * 26.09.1933
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Klaus Sottsas
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ



VAL BADIA
www.unitepastorala.org

Ann C

22.09.2019 - 25. domegna ia por l'ann

n. 43

Gejú Crist, co ea rich, s'á fat püre por amur. Y con söa poerté nes ál fat ric. Alleluia!

📖 Am 8, 4–7 | 1 Tim 2, 1–8 | Lc 16, 1–13

Dal Vangelo do San Lüca:

Te chel tomp á Gejú dit a sü discepui: ¹⁰Chel co é de parora tles pices cosses, chel l'é ince tles granes, y chel co fej de tort tles plü pices cosses, chel le fej ince tles granes. ¹¹Sc'i ne seis nia stés de parora tla richeza iniüsta, che ves confidará pa spo la derta richeza? ¹²Sc'i ne seis nia stés de parora con la proprieté dai atrí, che ves confidará pa spo osta derta proprieté? ¹³Degün stlaf ne pó sorví dui patruns; o al ti ará le senn a önn y ti orará bun al ater, o al tignará da önn y desprijará l'ater. I ne podeis nia sorví entrami, l'idio y le mámonn.

Oraziun dal de

Periun! Dio sant, te nes as dé le comandamont dal amur ch'i t'orunse bun a te y al proscim desco ademprimont de döta la lege: dassé la forza de se tigní con fedelté a cösc comandamont, ch'i podunse arjunje la vita eterna. Do cösc te periunse por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen.

(Lezionar C)



📖 Letöres dla 26. domegna ia por l'ann:

Am 6, 1a.4–7 | 1 Tim 6, 11–16 | Lc 16, 19–31

Edema liturgica dai 22.09. ai 29.09.2019

DOM 22.	25. domegna ia por l'ann <i>Maurizius y compagns, Tomesc, Jonas</i>
08:30 10:00	gran messa por dōta la ploania <i>oferta por i debojūgns dla ploania</i> s.m. a Al Plan
Lön 23.	<i>Pio da Pietralcina (Padre Pio), Tecla</i>
07:30 14:00	s.m. a Al Plan s.m. de sopoltōra por † Eduard Maneschg
Ded 24.	<i>Rupert y Virgile, Gerhard, Hermann</i>
07:30	s.m. por la fam. Tone y Annamaria Rindler, Nichele s.m. por † Emma Taibon, Mantena
Dem 25.	<i>Nikolaus da Flüe, Gottfried, Sergio</i>
18:00	s.m. a Al Plan
Jöb 26.	<i>Cosmas y Damian, Paolo VI., Eugenia</i>
19:30	2^a s.m. de sopoltōra por le † Eduard Maneschg s.m. de rengraziamont dla fam. Hubert y Margot Ellecosta, Gogn s.m. por i nüc Edith Ellecosta y Freddy Sottara
Ven 27.	<i>Vinzenz de Paul, Dietrich</i>
07:10 16:30 - 18 → 19:30	s.m. a Al Plan <i>confesciuns sō Oies</i> oraziun da Taizé
Sab 28.	<i>Sabeda de Santa Maria Wenzel, Lioba, Lorenzo Ruiz y compagns</i>
07:30	s.m. d'aniversar por † Agnese Ellecosta ved. Erlacher, Ombolt s.m. por † Lena Brandlechner, Sotru
DOM 29.	26. domegna ia por l'ann <i>Arcangeli Michiel, Gabriel y Rafael</i> de mondial dai migranc y profugs
08:30 → 10 y 18	s.m. por dōta la ploania 3^a s.m. de sopoltōra por le † Eduard Maneschg y corona dla comunité <i>oferta por i migranc y profugs</i> s.m. a Al Plan
<i>ampola:</i>	en onú de Santa Maria y Sant'Ojep
<i>ministronc:</i>	▶ da doman y domegna: Laura y Noemi ▶ da sera y domegna: Filip y Alexander
<i>i recordun:</i>	Rosa Trebo Pedevilla, Cortina + 22.09.2012 Ferdinand Kanetscheider, Schweiz + 24.09.2014 Anna Obermair, Leifers + 28.09.2015



La richeza dal cör (Lc 16, 1-13)

I ponsi do

Aladô de Gejú é la „richeza iniüsta” dada dai bens materiai: dandadöt i scioldi. Mo la richeza pó samben daidé la fraternité; val d'ater é scioldi davagnés iniüstamonter. L'atacamont ai scioldi destól le cör da Chelbeldio. I scioldi é na stlavité. Chelbeldio endere ô en sorvisc d'amur y de liberté.

I preii ensciö

I n'á nia trep, Signur. Mio tacuin é gonot öt, i sun dependent da mi geniturs sce i ô mo cumpré val. Porchel podessi dí che cōsta Parora ne mo reverda nia, ara é por i ric y i spaterladús. Mo tō baies ince dal „püch” y enló mo sonti trat ete, desco dagnora, da to ensegnamont. T'os ch'i sunse fedei y iüsc ince sce i án püch. T'ôs ch'i aüsunse le cör a ester generus y davert por i atri, zonza egoism y trapolades. Deidesse capí che döt po porté al amur, sce al é vit con amur. Scinchesse en cör lede dles cosses de cōsc monn por podei en dé joré ales altezes dal Ci.

Walter Cazzaniga, Parola amica – Il Vangelo della domenica per ragazzi



N segn dla pêsc

I t'aodi edli, co é bogn da odei, mo ince de capí les pices cosses da vignedé. I t'aodi oredles co é bones da aldi y da capí döt ci che na persona te dij. I t'aodi mans co ne ponsa nia sora dui iadi sc'al é da daidé o da fá dal ben. I t'aodi n cör plen d' amur, co te mostra le der tru y co porta pêsc endlunch olache t'es. I t'aodi amur, fortuna, ligreza, compasciun y pêsc. I t'aodi bunté, na capazité che püces persones á, mo che cōsc monn adora. I t'aodi tomp por palsé y por dormí, en laur co te scinca ligreza, persones co t'ô bun, y co te sta dlungia canche te les adores. Mo i t'aodi ince persones co te lalda, co te motiveia, co te deida canche t'as la ria löna, canche t'es stanch y ne te sas nia plü co fora. Döt cōsc t'aodi con le segn dla pêsc tla messa da encö.

Richard Schatzhauer



Funziuns liturgiches sō La Crusc



sabeda, 28 de setember,
SS. Arcangeli Michil, Gabriel y Rafael:
ales 07:30 prozesciun da San Linert sō La Crusc,
ales 09:30 santa messa.

jöbia, 4 d'otober, San Francesch:
dales 05:00 ales 06:00 ora d'adoraziun dan le Santiscimo,
ales 06:00 santa messa.

domegna, 6 d'otober: ales 14:30 Santa Messa y traslaziun de Chel Bel Dî dala Crusc a San Linert.

domegna, 13 d'otober: ales 15 a San Linert prozesciun con Chel Bel Dî dala Crusc.